



Na osnovu člana 14. Statuta Općine Fojnica, („Službene novine Općine Fojnica- Prečišćeni tekst“, broj: 2/15) i člana 7. Pravilnika o raspodjeli finansijskih sredstava namijenjenih za kulturu, broj: 01-04-605-21/24 od 18.04.2024. godine, Služba za društvene djelatnosti i stambeno-komunalne poslove raspisuje

JAVNI POZIV

za raspodjelu sredstava namijenjenih za kulturu u 2026. godini

I

Raspisuje se javni poziv za finansiranje ostvarivanja javnog interesa u oblasti kulture na području općine Fojnica, a u skladu sa Pravilnikom o raspodjeli sredstava namijenjenih kulturi za 2026. godinu, predviđenih u Budžetu Općine Fojnica.

II

Pravo učešća- podnosioci zahtjeva

Učesnici u raspodjeli finansijskih sredstava imaju sve ustanove, udruženja iz oblasti kulture koja se bave kulturnom djelatnosti, odnosno svim oblicima stvaralaštva te prenošenjem i očuvanjem kulturnih vrijednosti u oblasti književne, muzičke, plesne, pozorišne, likovne, filmske djelatnosti i video djelatnosti te očuvanja kulturnoga i prirodnoga naslijeđa, arhivske, muzejske, izložbene i bibliotekarske djelatnosti, kao i izdavaštva, kinematografije, radija i televizije te ostalih kulturnih djelatnosti, koje su registrovane u službenoj evidenciji udruženja u Ministarstvu pravde, koje se pridržavaju Zakona o udruženjima i fondacijama, odredbi ovog Pravilnika i koji djeluju u skladu sa Zakonom o kulturi SBK, Federacije BiH i države BiH, a djeluju i rade na području općine Fojnica duže od 1 (jedne) godine. Podnositeljima zahtjeva mogu se dodijeliti sredstva najviše za jedan projekt/program u tekućoj godini.

III

Prijave treba da zadovoljavaju opće i posebne kriterije propisane Pravilnikom.

Opći kriteriji:

1. rješenje o registraciji (za podnosioca koji se prijavljuje prvi put),
2. identifikacijski broj (za podnosioca koji se prijavljuje prvi put),
3. matični broj za pojedinca (za podnosioca koji se prijavljuje prvi put),
4. godišnji obračun (bilanca stanja i bilanca uspjeha),
5. godišnji program rada i finansijski plan za tekuću godinu,
6. izvještaj o radu sa finansijskim izvještajem za prethodnu godinu,
7. potvrda Službe za privredu, finansije i budžet o namjenskom utrošku sredstava dobivenih iz Budžeta općine Fojnica za prethodnu godinu, ili izjava ukoliko nisu bili korisnici istih,
8. prijedlog projekta organizovanju manifestacije na području općine Fojnica sa:
 - a. pregledom finansijskog budžeta projekta,
 - a. planom aktivnosti realizacije projekta,
 - b. planom utroška sredstava,
9. ugovor ili potvrda o transakcijskom računu podnosioca,
10. dokaz o nastupima i provedenim aktivnostima (bilteni, diplome, zahvalnice, plakati, prijavni obrasci i sl.) iz prethodne godine,
11. zapisnik sa Izvještajne skupštine udruženja za prethodnu godinu,
12. izjava o broju aktivnih članova udruženja potpisana i ovjerena od nadležnog organa.

IV

Posebni kriteriji:

1. masovnost po broju članova,
2. dugogodišnji rad – tradicija, (dokaz rješenje),
3. organizovanje kulturnih manifestacija.

V

Za sve učesnike Javnog poziva za raspodjelu sredstava za kulturu za prijavu koristit će se Prijavni obrazac za društvene djelatnosti – kultura, koji mora biti uredno popunjen i priložen uz traženu dokumentaciju.

VI

Prijave na Javni poziv sa potrebnom dokumentacijom dostaviti u zatvorenoj koverti sa obaveznom naznakom:

**„Prijava na javni poziv za sufinansiranje projekata iz kulture za 2026. godinu –
NE OTVARAJ“,
putem protokola Općine Fojnica ili putem pošte na adresu:
Općina Fojnica – Služba za društvene djelatnosti i stambeno-komunalne poslove,
ulica Bosanska 94, 71270 Fojnica.**

Neblagovremene i nepotpune prijave na javni poziv neće se uzimati u razmatranje.

Javni poziv ostaje otvoren 21 dana od dana objavljivanja na oglasnoj ploči Općine Fojnica i Web stranici Općine Fojnica www.fojnica.ba

Korisnici sredstava predviđenih za kulturu obavezni su za utrošena sredstva odobrena za projekt/program u tekućoj godini, dostaviti izvještaj o utrošku tih sredstava, a najkasnije do kraja tekuće godine. Kontrolu utroška sredstva iz prethodnog stava vrši Služba za privredu, finansije i budžet i dostavlja informaciju o istom Komisiji za društvene djelatnosti.

Broj: 08-36-173/26
Fojnica, 16.02.2026. godine



POMOĆNIK NACELNIKA
Vahid Bureković, dipl. politolog